



UNIVERSITÄTS-
BIBLIOTHEK
PADERBORN

D. A. Tractatus De Privilegiis Ecclesiae

Zanchi, Lelio


Veronae, M. D. LXXXVI.

Centesimum Vigesium Septimum Priuilegium.

[urn:nbn:de:hbz:466:1-61627](https://nbn-resolving.org/urn:nbn:de:hbz:466:1-61627)

- sanguinis Christi.
- 5 Sanguis non est sine corpore.
 - 6 Corpus Christi cum sanguine sicut verum in Hostia est, ita in Calice est verum corpus Christi cum sanguine.
 - 7 Altare, vel Ecclesia quibus modis reconsecratur, vel reconciliatur.
 - 8 Ecclesia reconciliatur per effusionem sanguinis, et per effusionem seminis. Item si excommunicatus in ea sepeliatur. Item si notorie ab excommunicato fuerit consecrata.
 - 9 Ecclesia cuius expensis reconcilianda.
 - 10 Ecclesia reconcilianda expensis Episcopi, vel expensis violatoris, si scitur, Episcopus, si consecrauit Ecclesiam indotatum, potest eogi de redditibus sua Ecclesie, vel patrimonij sui illam dotare.
 - 11 Ordinis Episcopalis, quae non sunt committi non possunt non Episcopo.
 - 12 Consecratio virginum, ordinatio clericorum, consecratio Ecclesiarum, & similia incumbunt Episcopo. Quae tamen sunt iurisdictionis demandari possunt.
 - 13 Papa non potest dare potestatem non sacerdoti conficiendi Corpus Christi, quia illud est distributum in dispositione diuina.

Centessimum Vigessimum Septimum Privilegium.

- 1  CCLESIA gaudet privilegio, quod. † Si Altare motum fuerit, vel lapis fractus fuerit, Altare, reconsecrabitur. † Et oleum non consecratum potest commisceri oleo consecrato, & totum erit consecratum, unde casus est, quod Altare motum fuerit, vel tabula superior enormiter fracta, debet iterum consecrari. Item oleum consecratum potest immisceri oleo non consecrato, & dicetur totum consecratum, cap. quod in dubiis de consec. Eccl. vel Alt. Ratio esse potuit, quia lapis mota, vel enormiter fracta debet iterum consecrari, & oleum praedictum etiam
- 3 consecratur. † Quia magis dignum trahit ad se minus dignum, hic igitur considerandum, quod ea, quae religiosis adherent, religiosa censentur, si oleum non sanctum, immixtum cum oleo sacro, totum
- 4 sacrum efficitur, quid erit. † Si vinum simplex commisceatur cum vino consecrato, an efficiatur totum sacrum, nam si post transubstantiationem factam per sacerdotem in Altari apponeretur, vinum in calice, remanet vinum, nec assumit naturam sanguinis Christi cap. cum Marthe. de cele. Miss. Doc. solvunt tripliciter. Prima, quod

quòd oleum consecratum non desinit esse oleum, stat ergo in sua natura, ideo commistum cum alio oleo, fit confusio, sed vinum post consecrationem desinit esse vinum, & efficitur sanguis Christi, ideo cum fuerit vinum alterius naturæ, non fit commistio, credo etiam, quòd alia ratio fortior dari potest, nam post consecrationem, non est ibi purus sanguis Christi, quia. † Non est sanguis, sine corpore, vt not. d. cap. cum Marthe. vnde. † Quemadmodum in Hostia est verum corpus Christi cum sanguine, ita in Calice est verum corpus Christi cum sanguine, & ibi videbis, quare sunt ista duo sacramenta, & non vnum tantum, merito vinum, postea impositum, vel alius liquor non transit in sanguinem, quia non est ibi purus, liquor sanguinis, & hæc ratio iudicio meo fortius stringit, quàm ratio Doct. Secunda ratio, quia sicut sanguis est in commutabilis, ita est in commistibilis. Tertia, quòd hoc procedit virtute sacramenti, sed alia præcedens mihi verior videtur, sed videamus. † Altare, vel Ecclesia quibus modis reconsecratur, vel reconciliatur, Primus enim est casus cum dubitatur, an Altare fuerit consecratum, Secundus casus quando mensa Altaris est mora, Tertius quando enormiter fracta, c. ligneis eo. ti. † Primus casus in quo Ecclesia polluitur, & indiget reconciliatione, est per sanguinis effusionem, Secundus per effusionem seminis, Tertius quando Ecclesia fuit reparata in aliis etiam duobus casibus reconciliatur Ecclesia, vt si in ea sepeliatur excommunicatus, vel si notoriè ab excommunicato fuerit consecrata, debet iterum reconsecrari, quid si ex temporis vetustate tectum destructum, & consumptum corrueret, firmis remanentibus parietibus, & firma remanente mensa Altaris, tamen passa modicum damnum, reparato tectò, & Altari, non debet consecrari, cum paries in sua integritate permanferit, nec Ecclesia, nec Alta re propter causam prædictam, debet denuo consecrari, cap. ligneis eo. tit. † Sed quando casus euenerit, cuius expensis, debeat venire Episcopus ad Ecclesiam reconciliandam, cap. conquerente de offic. ord. dicit, quòd Episcopus debet hoc facere expensis suis, quia propter hæc, & similia habet redditus, nec obstat cap. cum sit Romana. de simon. Quia loquitur in consecratione, & hæc opinio placet arg. cap. 1. de cens. lib. 6. sed alii, vt refert hic Io And. distinxerunt, aut scitur, quis violauit Ecclesiam, & est soluendo, & tunc expensis illius debet reconciliari, arg. cap. si. de

si. de iniur. & in l. 1. ff. de eo. per quem fa. eri. aut nescitur, vel non est soluendo, & tunc recurrendum est ad consuetudinem & statutum Ecclesie, quibus deficientibus rector, & Parochiani debent procurare Episcopum, d. cap. cum sit Romana, in defectum omnium debet Episcopus facere suis expensis arg. cap. cauendum 1. q. 3. & hanc opinionem tenet Io. de Lign. in clem. 1. de cel. Miss. & cum ea concurrunt multi Doc. mihi etiam placet, hæc opinio hac ratione accedente, quòd.

10 † Si Episcopus consecrauerit Ecclesiam indotatam, potest cogi de redditibus suæ Ecclesie, vel patrimonii sui illam dotare, Abb. in cap. cum sicut. de consec. Eccl. vel. Alta. Sed ad subterfugiendum hoc, ne possit aliquando, defraudari, vt ductus opinione, quòd Ecclesia sit dotata accedat ad eam consecranda, an possit delegare, regula est in materia delegationis

11 quod. † Ea quæ sunt ordinis Episcopalis non possint committi non Episcopo, multa enim sunt, quæ non possunt fieri nisi per Episcopos, tamquam dependentia ab ordine Episcopali

12 vt. † Cõsecratio virginum, ordinatio clericorum, consecratio Ecclesiarum, & similia de quibus vide, tex. in c. quamuis dist. 68. Ea vero, quæ sunt iurisdictionis demãdari possunt, etiã nõ Episcopis ex quo infertur, quòd potestas excommunicandi potest committi, etiam non Episcopis, & idem de omnibus, quæ Episcopus consequitur in sola confirmatione de quibus, in cap. transmissam. de elect. & ad prædicta glo. est sing. memoria digna in cap. peruenit 95. dist. Quæ dicit, quod nihil habet Episcopus, quod sit meri Imperij, quod non sit delegabile, aduertè distinctionem, scilicet, quo ad iurisdictionem, secus quo

13 ad ordinem, vnde in illa glo. Ibi not. quòd † etiam Papa non potest dare potestatem non sacerdoti cõficiendi corpus Christi, quia indispositione diuina illud est distributum ordini sacerdotali, vt in cap. 1. §. vna. de sum. trin. Ex his habes quando Altare motum debeat iterum consecrari, & quando oleum non consecratum misceatur consecrato totum fit consecratum.

S Y M M A R I V M.

- 1 Sacerdoti sufficit semel in die celebrare, exceptis duobus casibus necessitate & festo natiuitatis.
- 2 Sacerdos de facili incurrit in cupiditatem.
- 3 Necessitas facit de illicito licitum.

Sacerdotes

- 4 Sacerdotes dicentes missam principaliter propter intentionem lucri temporalis committerent simoniam mentalem.
- 5 Sacerdotes tenerentur agere penitentiam, lucrum autem reddere non tenerentur, si Missam propter lucrum celebrauissent.
- 6 Canonici vadunt ad officium principaliter propter distributiones quotidianas.
- 7 Missæ tres, in nocte Natiuitatis significant statum ante legem, statum sub lege, & statum gratiæ.
- 8 Vtilitas accipitur pro re concernente salutem animæ.
Vtilitas non dicitur semper lucrum.
- 9 Sacerdos potest superueniente aliqua magna persona Missam iterum celebrare.
- 10 Missæ profunt viuis, & defunctis.
- 11 Sacerdos, qui Missam celebrat, vt Deus aliquem deperdat, deponendus est.
- 12 Missam audientes debent principaliter illam audire, ad gloriam Dei, & sanctorum.
Non vt lucra consequerentur, seu eorum census multiplicetur.
- 13 Sacerdos, si in peccato mortali celebrat, & omittit conficere Corpus Christi, vt indignus, an minus malum fecerit, in non conficiendo.
- 14 Missam celebrare, qui pro sui criminis conscientia reputat, se indignum grauiter peccat, si se ingerit irreuerenter.
- 15 Sacerdos in peccato conficiens in solius misericordia Dei manum incidit, qui simulat conficere in Missa Deo, & populo se constringit.
- 16 Sacerdos grauius peccat non consecrando cum celebrat, quam consecrando in peccato mortali.
- 17 Sacerdos existens in peccato mortali, et celebrans offendit Deum conficit sacramentum, tamen non ita prodest populo malus sacerdos, sicut bonus.
- 18 Sacerdos bonus magis exauditur, cum orat pro populo, quam malus.
- 19 Sacerdos non debet celebrare in peccato mortali, sed confiteatur, nec sufficit sola contritio, vel propositum confitendi.
- 20 Sacerdos an possit celebrare post confessionem non expleta penitentia sibi iniuncta, deuotius, vt prius expleatur, non tamen necessariam est.
- 21 Sacerdos in celebratione debet esse ieiunius, quando Sacramentum sumit.
- 22 Corpus Christi sumens de mane, debet differre cibum naturalem vsque ad sextam, & si tunc sumpsit, differrat vsque ad vesperras.
- 23 Miraculum dicitur, quod contingit contra naturam.
- 24 Deus est supra naturam.